

**E akakoukou`anga i te au
manakonako`anga tei tukuia mai *He
taonga te tamaiti - E taonga-rima te
tamaiti: Parani akaivi`anga no te
punanga reo 2019-29***

Akakoro`anga 1: Ka puapinga mai te matutu`anga o te tamariki na roto i te akapuapinga`anga i te au papa- ture.....	5
1.2 Ka inangaro`ia te au turanga apii punanga kia turu i te turanga ketaketa e te ngakau pirimou ki te tamariki	5
1.3 Akamaroiro`ia kia taeria te 100%, e ta te papa-ture 80% kua pāti i te pepa puapii i roto i te au turanga e arataki`ia ana e te au puapii, e tae ua atu ki ta te papa-ture me kore ra 100%	5
1.4 Akatupu`ia tetai ako`anga no runga i te maatamaata o te pupu, te akapapa`anga o te au pia e te au mea e pini rava atu	6
1.5 Taru`ia te <i>Te Whāriki</i> ki roto i te gazette (te au apii`anga ka apii`ia ki roto i te au turanga apii punanga) ei turu i te au irinaki`anga aiteite.....	6
1.6 Paruru`ia atu te au turanga apikepike no te akatuera`anga i tetai au turanga `ōu.....	6
1.7 Akamaata`ia mai te au turanga akatanotano.....	6
Irinaki`anga 2: Ka matutu tetai ua atu tamaiti me tau te tuātau e te au ravenga inangaro`ia kia tupu ruperupe 7	
2.1 Akapapu`anga i te turanga pute-moni no te turanga aka`āite kia turu i te au tamariki e anoano nei.....	7
2.2 Anga taokotai`ia te au ravenga ei turu i te tamaou`anga apii e te oraanga matutu o te tamariki.....	7
2.3 Akamaata`ia te numero o te au turanga apii punanga e akakou mai nei i te au turanga o te oraanga ei turu i te tamariki e to ratou kopu tangata	7
Irinaki`anga 3: Akapou`ia te tuātau ki roto i ta tatou aronga angaanga ei turu kia matutu te apii`anga e te tamou`anga apii	8
3.1 Akapuapinga`ia te turanga angaanga e te au takai`anga o te tutaki e te turanga angaanga i roto i te au turanga apii punanga	8
3.2 Akamatutu`ia te Initial Teacher Education (ITE).....	8
3.3 Akapuapinga`ia te apii akamatutu atu i te au puapii (PLD)	8
3.4 Akatupu`ia tetai akapapa`anga no te turanga kimi puapii:	8
Irinaki`anga 4: Na te parāni`anga e akapapu i te au ravenga puapinga, kia rava e te tuketuke.....	9
4.1 Anga`ia ma te akamata atu i tetai turanga no te akara`anga me ka inangaro`ia rai tetai turanga apii punanga `ōu.....	9
4.2 Turu`ia te akateretere`anga e te akaaere`anga i te au turanga o te oire	9
4.3 Turu`ia te akatu`anga e te akono`anga i te au turanga apii punanga tei runga i te enua o te Kavamani e akaaere`ia ne e te Maraurau o te Apii	9
4.4 Angaanga taokotai atu ki Te Kōhanga Reo National Trust i te akapapa`anga i tetai turanga pute-moni tau 10	
4.5 Angaanga taokotai atu ki te NZ Playcentre Federation i te akapapa`anga i tetai turanga pute-moni tau 10	
4.6 Tamanako`ia te akatupu`anga i tetai turanga apii punanga na te kavamani e tetai turanga kimikimi`anga kite `ōu	10
Irinaki`anga 5: Kia neke ua atu te turanga apii punanga ki mua na roto i te kimikimi`anga kite `ōu, te tamou`anga apii e kia puapinga atu	10

5.1	Anga`ia tetai putuputu`anga kimi kite`ōu no te au turanga apii punanga	10
5.2	Turu`ia te au turanga apii punanga kia angaanga taokotai ki tetai atu au turanga apii.....	10
5.3	Turu`ia te akatanotano`anga matutu i roto ia ratou uao rai	10
	Eaa te ngaro nei?	11

E akakoukou`anga i te au manakonako`anga tei tukuia mai *He taonga te tamaiti - E taonga-rima te tamaiti: Parani akaivi`anga no te punanga reo 2019-29*

Te kimikimi`anga manako o te patireia no runga *He taonga te tamaiti - E taonga-rima te tamaiti: Parani akaivi`anga no te punanga reo 2019-29* tei rave`ia mei te 19 o Noema 2018 - 15 o Mati 2019.


I teia tuatau nei kua rave te Maraurau e 44 uipaanga oire tangata na roto i te patireia, e kua pāti i te 1900 tangata tei tae atu, pera katoa te au uipaanga ki te au puna tei akakoro`ia. Kua tae mai e 2,264 tuku`anga manakonako`anga na runga i te kupenga uira e 219 tuku`anga manakonako`anga tata`ia i te tuatau kimikimi`anga manako (tei topiri`ia i te 15 o Mati).

Kua tutaki katoa te Maraurau e toru pupu akatinamou`anga manako koia oki ko te au metua me kore ra te aronga tiaki i te tamariki punanga i roto i a Tamaki Makaurau, Otautahi e Whangarei.

Akamatakite`anga:

Ko te au manakoanko`anga ua tei koi`ia mai i runga i te kupenga uira no runga i te au kimikimi`anga, te au akanoonoo`anga (akatanotano`anga matutu) i roto i teia akako`uko`u`anga No runga te au akanoonoo`anga matutu i te au pau`anga no runga i te au kimikimi`anga, uipaanga e te au manakonako`anga tata`ia e te au manakonako`anga o te au metua e te aronga akono tamariki tei tomo atu ki roto i te au pupu akatinamou`anga manako.

Akakoro`anga 1: Ka puapinga mai te matutu`anga o te tamariki na roto i te akapuapinga`anga i te au papa-ture



1.1 Anga`ia tetai papa-ture no runga i te tareanga aka`āite no te au pepe e te au tamariki rikiriki

Turu pakari ia e ko te mea inangaro rava ia atu teia e te maata`anga o te au manakonako`anga tei tuku`ia mai. Kua inangaro tetai pae kia akapuapinga`ia atu. Kua manata katoa tetai pae no runga i te ravakore o te au puapii, te turanga pute moni e te au mea te ka tupu ki te au ravenga e tiaki`ia atu nei. Na te ako`anga no runga i te akaaere`anga e tauturu atu i tetai au turanga i te akatupu i te akako`u`anga o te au mataiti o te tamariki.

1.2 Ka inangaro`ia te au turanga apii punanga kia turu i te turanga ketaketa e te ngakau pirimou ki te tamariki

Turu meitaki`ia. Te irinaki nei tetai au manakonako`anga e ka ngata te vaito`anga i ta te papa-ture e penei ake paa e kare e inangaro`ia me meitaki mai te Initial Teacher Education (ITE) e te patene o te au puapii kua pāti i te pepa puapii.

1.3 Akamaroiroi`ia kia taeria te 100%, e ta te papa-ture 80% kua pāti i te pepa puapii i roto i te au turanga e arataki`ia ana e te au puapii, e tae ua atu ki ta te papa-ture me kore ra 100%

Kairoiro te au manakonako`anga tei tuku`ia mai. Kua akatika te maata`anga kia akamaata`ia mai te au puapii kua pāti i te pepa puapii, engari kairoiro te au manakonako`anga turu i ta te papa-ture kia taeria ki te 100% kua pāti i te pepa puapii. Te akatika nei ratou tei turu e, e turanga puapinga teia no te akameitaki mai e te aka`āite mai i te turanga apii punanga ki te au apii. Te manamanata nei te tua o te patoi no te rave`anga e te au mea te ka tupu,

mei te tapu`anga mai i te aronga kare i pati ma te au tareni karape to ratou (auraka e akangaropoina`ia te reo) e te terēni`anga ia ratou uarai. Te inangaro nei te maata`anga o te aronga tei tuku manako mai kia taeria te 80% ki ta te papa-ture, engari kia akamaroiroi ua ia atu rai kia taeria te 100%. Te inangaro nei tetai pae tei tuku manako mai kia akakake`ia te turanga pute moni e kia ako`ia te au puapii provisionally certificated, e tetai au tiēni`anga i te tarere`anga IELTS. Kairoiro te au manakonako`anga o te au metua i roto i nga pupu akatinamou`anga manako e toru no runga i te akakake`anga i te patene o te au puapii kua pāti i te pepa puapii i roto i te au turanga e arataki`ia ana e te au puapii. Te irinaki nei tetai au metua e 'puapinga atu te turanga tangata i te degree', e te irinaki nei tetai pae e 'puapinga atu te kite e te karape'.

1.4 Akatupu`ia tetai ako`anga no runga i te maatamaata o te pupu, te akapapa`anga o te au pia e te au mea e pini rava atu

Turu pakari ia. Kua inangaro tetai pae tei tuku manako mai kia akapuapinga vave`ia te papa-ture – kua karanga tetai pae e ka kino te ravenga o te au turanga no te tuātau ki mua me anga`ia te papa-ture -me kore ra ka takokota mai i te turanga tuketuke. Kua oronga mai tetai aronga tei tuku manako mai i ta ratou ako`anga.

1.5 Taru`ia te Te Whāriki ki roto i te gazette (te au apii`anga ka apii`ia ki roto i te au turanga apii punanga) ei turu i te au irinaki`anga aiteite

Turu`ia e te maata`anga. Kua akatika te maata`anga o te aronga tei tuku manako mai e ka inangaro`ia Te Whāriki ei tango no teia turanga, inara kare tetai pae e akatika ana e ko te taru`anga ki roto i te gazette te mea inangaro rava ia atu me kore ra ka riro mai paa e na te reira e akakite mai e ka akapeea me rave i te angaanga.


1.6 Paruru`ia atu te au turanga apikepikē no te akatuera`anga i tetai au turanga `ōu

Turu pakari ia. Te manamanata nei tetai pae e ka papa`ia te au turanga matutu me oko atu i te au turanga apikepikē na roto i te irinaki`anga e ka rauka ia ratou i te 'uri atu kia puapinga', e kia paruru`ia te au ona e te au akateretere o te au turanga apikepikē no te akamata`anga i tetai au turanga `ōu in raro ake i tetai ingoa kamupani ke. Kua inangaro tetai aronga tei tuku manako mai kia angaanga taokotai atu te au turanga e inangaro nei i te akamaata i to ratou turanga ki te mana whenua.

1.7 Akamaata`ia mai te au turanga akatanotano

Turu`ia e te maata`anga, engari te manamanata nei te maata`anga o te aronga tei tuku manako mai i te mea e te taomi nei teia ma te akaroa`anga atu i te tuātau o te au turanga e putakaiti nei me kore ra kare te tutaka`anga poitirere ua e patu i te piri`anga puapinga i rotopu i te au turanga e ERO. Kua inangaro tetai aronga tei tuku manako mai kia akatanotano`ia te turanga o te peu e kia o atu te mana whenua ki roto i teia au akatanotano`anga. Te akamaara mai nei tetai aronga tei tuku manako mai i te puapinga o te kite e te karape i roto i te turanga peu i roto ia ratou e akatanotano nei. Te inangaro nei te au metua i roto i te au pupu akatinamou`anga manako kia piri atu ki roto i te turanga akatanotano`anga.

Irinaki`anga 2: Ka matutu tetai ua atu tamaiti me tau te tuātau e te au ravenga inangaro`ia kia tupu rupeupe



2.1 Akapapu`anga i te turanga pute-moni no te turanga aka`āite kia turu i te au tamariki e anoano nei

Turu pakari rava ia. E maata te aronga tei tuku manako mai e karanga nei kia patu`ia te turanga pute-moni ki runga i te anoano o te tamaiti, eiaa ki runga i te oire o te turanga e kia akapuapinga`ia te au akatanotano`anga ei akapapu`anga e te pou nei te moni no te turu`anga i teia au tamariki. Te inangaro nei tetai pae kia o mai te mana whenua ki roto i tetai akatanotano`anga, e kia taru`ia mai te au turanga reo Māori ki roto i te akatanotano`anga.


2.2 Anga taokotai`ia te au ravenga ei turu i te tamaou`anga apii e te oraanga matutu o te tamariki

Turu`ia e te maata`anga. Te irinaki nei te au science e te au health advisors e tetai pae i roto i te au oire putaua i te puapinga o te au ravenga ei turu atu i te tamariki. Inara, e maata te aronga tei tuku manako mai e manamanata nei i te mea e na teia au ravenga paa e takokota mai i te au mataiti e te au takai`anga mei te arataki`anga tick box', me kore ra ko te pou ua te tuātau ki runga i te apii-puka – kua patoi pakari ia nga arataki`anga e rua. Kua inangaro tetai pae tei tuku manako mai kia taokotai`ia mai te mana whenua ki roto i teia turanga. Te akamaara mai nei te au metua i roto i te au pupu akatinmou`anga manako i to ratou inangaro i te kite i te puapinga e rauka nei i te tamaiti.

2.3 Akamaata`ia te numero o te au turanga apii punanga e akakou mai nei i te au turanga o te oraanga ei turu i te tamariki e to ratou kopu tangata

Turu pakari ia. Te inangaro nei te maata`anga o te aronga tei tuku manako mai kia akamama mai te au turanga apii punanga i te tomo`anga ki roto i tetai atu au turanga e te manmanata nei ratou e te maata mai nei te tamariki tu marika`angakore me kore ra te apikepika nei no te tamou`anga apii. E maata rai te aronga tei tuku manako mai e akamatakite mai nei e ka inangaro`ia te turanga pute-moni kia tupu teia au tamanako`anga.

Irinaki`anga 3: Akapou`ia te tuātau ki roto i ta tatou aronga angaanga ei turu kia matutu te apii`anga e te tamou`anga apii



3.1 Akapuapinga`ia te turanga angaanga e te au takai`anga o te tutaki e te turanga angaanga i roto i te au turanga apii punanga

Turu pakari ia e te karanga`ia nei e e ravenga tau teia no te akapuapinga`anga mai i te turanga. Kairoiro te au manako no runga i te au ravenga kia rauka. E maata te karanga nei kia arataki`ia na roto i te taumaro`anga taokotai, maata atu te patoi nei. Te inangaro nei tetai pae tei tuku manako mai i tetai pute moni no te tuātau apii-kore no te puapii ki roto i te au turanga o te turanga angaanga.

3.2 Akamatutu`ia te Initial Teacher Education (ITE)

Turu pakari ia. Ko te irinaki`anga e kare e rava ana te kite o te au taura no runga i te au tu turanga ka apii`ia e no runga i te turanga raverave e tau no te puapii e e turanga apikepika to ITE i te au manata i roto i te ITE Te oora mai nei te Konitara Puapii i te ITE Programme Approval, Monitoring and Review Requirements (te au mea e Inangaro`ia nei) - te akaari mai nei teia i te kaveinga o te au irinaki`anga no ITE. Te inangaro nei tetai pae i te au turanga terēni o te oire kia akatupu i te angaanga taokotai`anga ki te mana whenua e te iwi kia kite`ia te turanga o te peu i roto i te au porokaramu, e kia akatanotano tatuātau`ia teia au turanga terēni no runga i te turanga o te peu. Te inangaro nei tetai pae i te porokaramu ITE tei akakoro`ia no te au puapii o te Moana nui o Kiva.


3.3 Akapuapinga`ia te apii akamatutu atu i te au puapii (PLD)

Turu pakari ia. E maata rai te aronga tei tuku manako mai te manamanta nei no te tomo`anga ki roto, te tutaki e te matutu. Ravakore o te pute-moni no te puapii kia teretere atu ki te apii akamatutu`anga puapii, ratou tikai to te au oire rikiriki i vao mai. Te manakonako nei tetai pae tei tuku manako mai kia rotai te PLD ki runga i te turanga arataki, te kite e te karape o te peu, te oraanga tangata e te turanga apii no te pakipaki-tai. Te inangaro nei tetai pae i te au porokaramu a PLD kia tau no te oire e kia turu`ia e te mana whenua. Pera katoa, kia rave`ia e te au turanga matutu i roto i te reo (ratou tikai to te Moana nui o Kiva).

3.4 Akatupu`ia tetai akapapa`anga no te turanga kimi puapii:

Turu pakari ia. Ko te ravakore o te au puapii tetai tumu manako manamanata rava i roto i te au manakonako`anga tei tuku`ia mai. E maata te aronga tei tuku manako mai e inangaro nei i te Mararaurau kia matike mai i te totō`anga mai ma te tapu mai i te au puapii Maori e te au puapii o te Moana nui o Kiva e te au tane. Te inangaro nei tetai pae kia angaanga taokotai te Maraurau e te iwi no tetai au ravenga akamaroiroi i te kopu tangata. Te inangaro nei tetai pae i tetai parāni anake ei terēni e te akamatutu i te au puapii no te Moana nui o Kiva. Kua marama rai te au metua i roto i te au pupu akatinamou`anga manako i te puapinga o te turanga angaanga ki`ia e te au tu tangata tuketuke.

Irinaki`anga 4: Na te parāni`anga e akapapu i te au ravenga puapinga, kia rava e te tuketuke



4.1 Anga`ia ma te akamata atu i tetai turanga no te akara`anga me ka inangaro`ia rai tetai turanga apii punanga `ōu

Turu pakariia. Te inangaro nei tetai aronga tei tuku manako mai i te au turanga o te oire kia manako na mua ia e te inangaro nei tetai pae i te au turanga `ōu ravarai kia akaari mai i to ratou akakoro`anga no runga i te reo Māori, tikanga e te matauranga o te oire. Te patoi nei tetai o te au turanga mamaata ake i te mea e, i to ratou irinaki`anga ka tupu te ngakau parau me kore ra kare e neke ki mua e ka paruru teia i te au kimi`anga ravenga meitaki atu no te turanga e tu nei. Te akakite mai nei tetai aronga tei tuku manako mai e, rairai rava te inangaro`ia nei i roto i te parāni`anga no te au ravenga e ko te takoto`anga o te enua ua rai te tuanga puapinga ki te au metua. Kare teia aronga tei tuku manako mai e irinaki ana e ko te Maraurau te turanga tano no teia au ikianga e kia akaruke ki te anoano o te oire. Te turu nei te au metua i roto i te pupu akatinamou manako i te parāni`anga no te au ravenga.

4.2 Turu`ia te akateretere`anga e te akaaere`anga i te au turanga o te oire

Turu pakari ia. E maata te irinaki nei kia turu katoa ia te au turanga kare i raro ake i te kavamani. Te taiku mai nei te itianga o tei tuku manako mai kia aruaru`ia te au turanga ECE kare i raro i te kavamani kia neke atu ki raro i te tamarumaru`anga maata ake a te au turanga oire, e kia akaoki`ia mai te turu`anga a te Maraurau no te akateretere`anga e te akaaere`anga e kia rave`ia na roto i te ngakau akatupu.

4.3 Turu`ia te akatu`anga e te akono`anga i te au turanga apii punanga tei runga i te enua o te Kavamani e akaaere`ia nei e te Maraurau o te Apii

Kairoiro te turu. E kapiti ana tetai aronga tei tuku manako mai i teia ki te au turanga tei raro ake i te kavamani. Te karanga nei tetai pae e ko te kindergarten te akara`anga tu katau i roto i teia turanga e te inangaro nei te NZ Kindergartens i te turanga tara`ukore i runga i te enua apii. Te manako nei te maata`anga o te aronga tei tuku manako mai kia kore te tika`anga openga e aru na runga i te turanga ona.

4.4 Angaanga taokotai atu ki Te Kōhanga Reo National Trust i te akapapa`anga i tetai turanga pute-moni tau

Turu pakari ia. Te inangaro nei tetai manga pupu o te aronga tei tuku manako mai, kia tua aiteite`ia te turanga pute-moni e tau ki te au turanga tatakитай.


4.5 Angaanga taokotai atu ki te NZ Playcentre Federation i te akapapa`anga i tetai turanga pute-moni tau

Turu pakari ia. Te inangaro nei tetai manga pupu o te aronga tei tuku manako mai, kia tua aiteite`ia te pute-moni e tau ki te au turanga tatakитай.

4.6 Tamanako`ia te akatupu`anga i tetai turanga apii punanga na te kavamani e tetai turanga kimikimi`anga kite `ōu

I roto i te au turu`anga pakari - ko teia te openga. Noatu e te akaari mai nei te kimikimi`anga akatanotano i te 59% tei akatika, e maata te au tuku`anga manako tei tata`ia mai e patoi nei. Tei roto i te au manamanata`anga katoa te au turanga i raro ake i te kavamani i te mariko`anga kore e rauka mai ei te au ravenga e te openga aiteite ua te katoatoa. Te manamanata katoa nei te aronga tuku manako mai no te raurau te ka tupu i te mea e na te kavamani te raitini e ko ratou katoa te ona o te au turanga. Te inangaro nei tetai pae i te kaveinga o te arataki`anga a Whānau Ora ei akapapu i te tomo`anga atu o te kopu tangata ki roto i te au turanga na roto i te ngutupa okotai.

Irinaki`anga 5: Kia neke ua atu te turanga apii punanga ki mua na roto i te kimikimi`anga kite `ōu, te tamou`anga apii e kia puapinga atu



5.1 Anga`ia tetai putuputu`anga kimi kite`ōu no te au turanga apii punanga

Turu pakari`ia e te aronga tei tuku manako mai e te mataora nei ratou no tetai tuātau no te angaanga taokotai`anga atu ki te au taunga kimi kite `ōu. Te manamanata nei tetai manga pupu e kare te au putuputu`anga e taangaanga aiteite`ia me kore ra kare e puapinga e rauka mai no te tamariki.

5.2 Turu`ia te au turanga apii punanga kia angaanga taokotai ki tetai atu au turanga apii

Turu pakari ia. Te kite nei te maata`anga o te aronga tei tuku manako mai e ka kake mai te angaanga taokotai`anga e te taurua`anga ei turu i te puapinga o te turanga apii punanga e ei puapinga meitaki tikai no te au apii i vao mai i te au oire mamaata e tei mamao rava atu ki vao. Te karanga nei tetai manga e kare to ratou reo e rongo ia ana i roto i te au uriuri`anga manako taokotai ki tetai atu au turanga.

5.3 Turu`ia te akatanotano`anga matutu i roto ia ratou uao rai

Turu pakari ia. Inara, te pati nei te manakonako`anga tei tuku ia mai, i te ERO kia noo rai ei tango no te au akatanotano`anga i roto uao rai i te au turanga tatakитай -kia rauka mai te au kimi akatanotano`anga e te au turanga iriiri`anga irinaki`ia i roto ia ratou uao rai.

Eaa te ngaro nei?

- » Kia akakake`ia mai te turanga pute-moni e tetai turanga akatanotano i te turanga pute-moni ei akamatutu e te akamama i te turanga.
- » Taangaanga meitaki`ia te parāni ki roto i ta te Kavamani *Child e te Youth Wellbeing Strategy* e te Kōrero Mātauranga, e te Tomorrow's Schools Review katoa e *Learning Support Action Plan 2019-25*.
- » Kia marama meitaki e ka akapeea te rave`anga i Te Tiriti o Waitangi i roto i te parāni e ka akapeea te parāni i te akapuapinga`anga i te turanga apii no te Māori e te Moana nui o Kiva.
- » Taru`ia mai te au kimikimi`anga o te akatanotano`anga i te turanga Home-Based ma te akara matatio atu ki te au turanga o te oraanga kia rauka i te au metua i te noo ki te kainga ki ko i ta ratou tamariki.
- » Akamaata`ia mai te tuātau no te oraanga kopapa e te oranaanga matutu o te tamaiti, pera katoa te tomo`anga ki roto i te turanga turu i te tamou`anga apii
- » Akapakari`ia te arataki`anga kia tupu te turanga apii punanga na te kavamani tei akaneke mai i te au turanga i raro ake i te ona okotai, te turanga nuinui moni
- » Akatinamou meitaki`ia kia tupu matutu te au arataki, e kia taangaanga aiteite`ia te tamariki e te au puapii i runga i te roro uira.